

# कुरिन्थियन क दूसरी पत्र

**1** परमेस्वर क इच्छा स मसीह ईसू क प्रेरित पौलुस अउर हमरे भाई तीमुथियुस क कईंती स कुरिन्थुस परमेस्वर क कलीसिया अउर अखाया क पूरे छेत्रन क पवित्र लोग क नाउँ:

<sup>2</sup>हमार परमपिता परमेस्वर अउर पभू ईसू मसीह क कईंती से तू सबन क अनुग्रह अउर सान्ति मिलइ।

## पौलुस क परमेस्वर क धन्यवाद

<sup>3</sup>हमारा पभू ईसू मसीह क परमपिता परमेस्वर धन्य अहइ। उ दया क स्वामी अहइ अउर आनन्द क प्रेरणा अहइ। <sup>4</sup>हमार हर विपत्तिन में उ हमका सान्ति देत ह ताकि हमहूँ हर प्रकार क विपत्तिन में पड़े लोगन क वइसेनइ सान्ति दइ सकी। जइसेन परमेस्वर हमका दिहे अहइ। <sup>5</sup>काहेकि जइसेन मसीह क सबइ यातना में हम सहभागी अही। वइसेनही मसीह क कारण हमार आनन्द भी तोहरे बरे उमड़त बा। <sup>6</sup>जदि हम कष्ट उठाइत ह तउ उ तोहरे दिलासा अउर उद्धार क बरे बा। अउर हम आनन्दित अही। तउ उ तोहरे दिलासा क बरे बा। ई आनन्द ओनही यातना क जेनका हमहूँ सहत अही। तू सबन क धीरज क साथ सहई बरे प्रेरित करत ह। <sup>7</sup>तोहरे बिसय में हमका पूरी आसा बा। काहेकि हम जानित ह कि जइसे हमरे क्रस्टन क तू बाँटत ह, वइसेनइ ही हमरे आनन्द में तोहार भाग बा।

<sup>8</sup>भाइयो, हम चाहित ह कि तू ओन यातना क बारे में जाना जउन हमका एसिया\* में झेलइ क पड़ी रही। उहाँ हम, हमार सहन सक्ति क सीमा स कहूँ बहुत बोझन क तरे दबाइ गवा रहे। इहाँ तक कि हमका जिअइ क कउनउ आसा नाहीं रही ग रही। <sup>9</sup>हाँ अपने अपने मने में हमका अइसेन लागत रहा जइसेन हमका मऊत क सजा दीन्ह गइ रही। ताकि हम अपने ऊपर अउर जियादा भरोसा न कइके परमेस्वर पइ भरोसा करी जउन मरे हुए क फिन से जिआई देई। <sup>10</sup>हमका उ भयंकर मऊत से उहइ बचाएस अउर हमार आनु क परिस्थितियन में उहइ हमका बचावत रहा। हमार आसा उहइ पर टिकी बा। उहइ हमका आगेउ बचाइ। <sup>11</sup>अउर तूहूँ हमरे तरफ स पराथना कइके मदद देब्या तउ हमका बहुत जने क पराथना क कारण परमेस्वर क अनुग्रह मिला

बा, ओकरे बरे बहुत मनइयन क हमरे तरफ स धन्यवाद देई बरे मिली जाई।

## पौलुस क योजनन में बदलाव

<sup>12</sup>हमका ऐकर गरब बा कि हम इ बात साफ मने स कहि सकित ह कि हम इ जगत क साथे अउर खासकर तू लोगन क साथे परमेस्वर क अनुग्रह क एकदमई उहइ रूप क व्यवहार किहे अही। हम उ सरलपन अउर सच्चाई क साथे बहुत खातिरदारी किहे रहेन। जउन परमेस्वर से मिलत ह न कि दुनियावी बुद्धि स। <sup>13</sup>हाँ! इहाँ बरे हम ओका छोड़िके तू सबन क बस अउर कछु नाहीं लिखत अही। जेसे तू मोका एकदमई वइसेन ही समझ लेब्या। <sup>14</sup>जइसेन तू हमका थोड़ेन में समझे अहा। तू हमरे बरे वइसेन ही गरब कई सकत ह। जब हमार पभू ईसू फिन आइ।

<sup>15</sup>अउ इहाँ बिसवास क कारण मई पहिले तोहरे पास आवइ बरे ठाने रहेउँ। ताकि तोहका दुसरीउ बार से आसीबीद क लाभ मिल सकइ। <sup>16</sup>मई सोचित ह कि मैसीडोनिया से लऊटिउँ उ फिन तोहरे पास जाउँ। अउर फिन, तोहरे से ही यहूदिया क जाइ बदे बिदा कीन्ह जाउँ। <sup>17</sup>मई जब इ योजना बनाए रहेउँ, तउ मोका कउनो संदेह नाहीं रहा। का तू बिना अच्छी तरह से सोच्या ह। मई जउन योजना बनाइत ह, ओका ओ संसारी ढंग से बनइत ह कि एक्कई समझ "हाँ, हाँ" कहत रही अउर "न, न" कहत रही।

<sup>18</sup>यदि तू परमेस्वर में बिसवास कइ सकत ह तउ तू बिसवास कइ सकत ह कि अउर उ एँके साछी देई कि तोहरे बरे हमार जउन बचन बा एक साथे "हाँ" अउर "ना" नाहीं कहत। <sup>19</sup>काहेकि तोहरे बीचवा में जउन परमेस्वर क पूत ईसू मसीह क हम यानि सिलवानुस, तीमुथियुस अउर मई प्रचार किहे अही, उ "हाँ" अउर "ना" दुइनउँ एक साथे नाहीं बल्कि ओनके कारण एक चिरन्तन "हाँ" का घोसणा कही गइ बा। <sup>20</sup>काहेकि परमेस्वर जउन अनन्त प्रतिज्ञा किहे अहइ उ ईसू में सबके बरे "हाँ" बनि जात ह। इही बरे हम ओकरे द्वारा जउन "आमीन" कहत अही उ परमेस्वर क ही महिमा बरे होत ह। <sup>21</sup>उ जउन तोहका मसीह क मनई क रूप में हमरे साथे सुनिश्चित करत ह अउर मई क अभिसेक किहे बा उ परमेस्वर ही अहइ। <sup>22</sup>जउन हम पइ आपन

स्वामी क मोहर लगाए अहइ अउर हमरे भीतर बयाना क नाई उ पवित्तर आतिमा दिहेस जउन इ बात क आस्वासन बा कि जउन देइ क बचन उ हमका दिहे अहइ, ओका उ हमका देई।

<sup>23</sup>साच्की की तरह परमेस्सर क दुहाई देत अउर अपने जीवन क सपथ लेत मई कहत अहउँ कि मई दुवारा कुरिन्तुस इही बरे नाहीं आए रहेउँ कि मई तोहका पीड़ा से बचावई चाहत रहेउँ। <sup>24</sup>एकर मतलब इ नाहीं कि हम तोहरे बिसवासे पर काबू पावई चाहत अही। तू तउ अपने बिसवासे में अडिग अहा। बल्कि बाति इ अहइ कि हम तउ तोहरे खुस रहई बरे तोहार कर्मी अही।

**2** इही बरे मई इ निश्चय कई लिहे रहेउँ कि तोहका फिन स दुख देइ तोहरे लगे न आई। <sup>2</sup>काहेकि अगर मई तोहका दुखी करब तउ फिन भला अइसेन कउन होई जउन मोका सुखी करी? सिवाई तोहका जेका मई दुख दिहे अहउँ। <sup>3</sup>इहइ बात त मई तोहका लिखे हउँ कि जब मई तोहरे लगे आवउँ तउ जेनसे मोका आनन्द मिलइ चाही ओनके तरफ स मोका दुख न पहुँचावा जाई।

<sup>4</sup>काहेकि तू सबन में मोका बिसवास रहा कि मोर खुसी मैं तू सभे खुस होब्या। काहेकि तोहे मई दुख भरे मन अउर बेदना क साथे आँसू बहाई-बहाई क ई लिखे अहउँ। पर तोहका दुखी करई बरे नाहीं, बल्कि इही बरे कि तोहरे लिए जउन मोर पिरेम बाटई उ केतना महान बा तू एँका जान सका।

### बुरा करई वालन क छमा करा

<sup>5</sup>मुला अगर कउनो मोका कउनउ दुख पहुँचावई तउ उ मोका केवल नाहीं, बल्कि कउनो न कउनो मात्रा मैं तू सबन क पहुँचाए बा। <sup>6</sup>अइसेन मनई क तोहार समुदाय जउन दण्ड दर्द दिहे अहइ, उहइ परियाप्त बा। <sup>7</sup>इही बरे तू तउ अब ओकरे विपरीत ओका छमा कई द्या। अउर ओका प्रोत्साहित करा। ताकि उ कहुँ बड़ाइ चढ़ाइ दुख मैं न डूबि जाई। <sup>8</sup>इही बरे मोर तोहसे बिनती बा कि तू ओकरे बरे अपने पिरेम क बढ़ावा। <sup>9</sup>इ मई तोहका इ देखई बरे लिखे अही कि तू परीच्छा मैं पूरा आज्ञाकारी हवा या नाहीं। <sup>10</sup>मुला अगर तू कउनो क कउनउ बात क बरे छमा करत ह तउ ओका मई भी छमा करित ह अउ जउन कछू छमा किहे अही। अगर कछू मई छमा किहे अही तउ उ मसीह हमरे साथ रहा तोहरे बरे किहे अही। <sup>11</sup>ताकि सइतान हमसे कछू भी न जीत सकइ।

### पौलुस क असान्ति

<sup>12</sup>जब मसीह क सुसमाचार क प्रचार करई बरे मई त्रोआस आएउँ तउ उहाँ मोरे बरे पभू क दुवार खुला रहा। <sup>13</sup>अपने भाई तितुस क उहाँ न पाइके मोर मन

बहुत बियाकुल रहा। तउ ओनसे विदा लइके मई मैसिडोनिया क चली दीन्ह।

### मसीह से विजय

<sup>14</sup>मुला परमेस्सर धन्य अहइ जउन मसीह क कारण अपने विजय अभियान मैं हमरे हमेसा राह देखौवत ह। अउर हमरे कारण हर कहुँ अपने गियान क सुगन्धि फैइलावत ह। <sup>15</sup>काहेकि ओनके बरे जउन अबहीं उद्धार क राह पर अहई अउर ओनके बरे जउन बिनास क रस्ता पर अहई, हम मसीह क परमेस्सर क समर्पित मधुर भीनी सुगन्धित धूप अही। <sup>16</sup>मुला ओकेने बरे जउन मऊत गइँती लई जात ह। पर ओनके बरे जउन उद्धार क रस्ता पर बढत अहई, इ जीवन क अइसेन सुगन्ध अहइ, जउन जीवन क तरफ अग्रसर करत ह। मुला इ काम बरे सुपात्र आदमी कउन बाटेन? <sup>17</sup>परमेस्सर क बचन क अपने लाभ बरे, ओं मई मिलावट कइके बेचईवाले बहुत जने से दुसरे लोगन जइसे हम नाहीं अही। न तउ! हम ते परमेस्सर क समन्वा परमेस्सर क तरफ स भेजा गवा मनइयन क समान मसीह मैं स्थित होकर, सच्चाई क साथे बोलित ह।

### नवा करार

**3** एहसे का अइसा लागत ह कि हम फिन स आपन प्रसंसा अपने आपइ करइ लागे अही? अउर का हमका तोहरे बरे या तोहसे पहिचान पत्र लेई क जरूरत बा? जइसेन कि कछू लोग करत हीं। निश्चय ही नाहीं <sup>2</sup>हमार चिट्ठी त तू खुदइ अहा जउन हमरे मने मैं लिखा बाटइ जेका सब जने जानत हीं अउर पढत हीं। <sup>3</sup>अउर तूहउँ तउ अइसेन देखावत ह। जइसे तू मसीह क चिट्ठी अहा। जउन हमरे सेवा क फल अहइ जेका स्याही से नाहीं बल्कि सजीव परमेस्सर क आतिमा से लिखा गवा बा। जेका पथरीली सिलान \* पर नाहीं बल्कि मनइयन क हृदय पटल पर लिखा गवा बा।

<sup>4</sup>हमका मसीह क कारण परमेस्सर क समन्वा अइसेन दावा करई क भरोसा बा। <sup>5</sup>अइसेन नाहीं ना कि हम अपने आपन मैं एतना समरथ अही जउन सोचई लगा अहई कि हम अपने आपइ से कछू कइ सकित ह। बल्कि हमका समरथ तउ परमेस्सर से मिलत ह। <sup>6</sup>उहइ हमका एक नवा करार क सेवक बनवई क जोग ठहराए बाटइ इ कउनउ लिखी संहिता नाहीं अहइ। बल्कि आतिमन क करार अहइ काहेकि लिखी संहिता तउ मारत ह जब कि आतिमा जीवन देत ह।

पथरीली सिलान परमेस्सर सीने पर्वत प मूसा क जउन व्यवस्था दिहे रहा उ पाथरन प लिखा गवा रहा। (निर्मा 24:12; 25:16)

### पौलुस क सेवा मूसा क सेवा स महान बा

<sup>7</sup>काहेकि उ सेवा जउन मऊत से जुरी रही (यानी व्यक्त्वा) जउन पत्थर पर लिखा गवा बा। ओहमें ऐतना तेज बाटई कि इम्राएल क लोगन मूसा क ओह तेजवाला मुँह क एकटवकई न देख सकेन। अउ ओकर उ तेज बाद में कम होइ गवा। <sup>8</sup>फिन भला आतिमा से लगी सेवा अउर जियादा तेज काहे न होइ। <sup>9</sup>अउर फिन जब दोसी ठहरावइ वाली सेवा में ऐतना तेज बा तउ सेवा में केतना जियादा तेज होई। जउन धर्मी लोगन क परमेस्सर से ठहरावइ वाली सेवा क बा। <sup>10</sup>काहेकि जउन पहिले तेज से भरापूरा रहा उ अब ओह तेज के आगे जउन में ओहसे कहुँ जियादा तेज बा, तेज स कम होइ गवा। <sup>11</sup>काहेकि उ सेवा जेकर तेज बिना होइ जाब निश्चित रहा। उ तेज रही त जउन अमर बा उ केतना तेज होइ।

<sup>12</sup>अपने इहइ आसा क कारण हम ऐतना निरभय अही। <sup>13</sup>हम उ मूसा क जइसेन नाहीं अही, जउन अपने मुँह पर परदा डाले रहत रहा कि कहुँ इम्राएल क लोग आपन आँख गड़ाइ क जेनकर बिनास निश्चितइ रहा ओह सेवा अन्त क न देखि लें। <sup>14</sup>मुला ओकर बुद्धि जड़ होइ ग रही काहेकि आज तलक जब उ पुराने करार क पढ़त हीं तउ अबभी उहइ परदा ओनपर बिना हटाए पड़ा रहत रहा। काहेकि उ परदा बस मसीह क कारण ही हटावा जात ह। <sup>15</sup>आज तलक जब जब मूसा क ग्रन्थ पढ़ा जात रहा। तउ पढ़इवाले क मने पर परदा पड़ा रहत रहा। <sup>16</sup>मुला जब कउनो क हिरदइ पभू क तरफ मुडत रहत ह तउ परदा हटाइ दीन्ह जात ह। <sup>17</sup>देखा! जउने पभू के ओर मई इसारा करत हउँ, उहइ आतिमा अहइ। हुवई स्वतन्त्रता अहइ। अउ जहाँ पभू क आतिमा बा। <sup>18</sup>उहाँ छूट बा। त हम सब अपने खुला मुँह क साथे सीसा में पभू क तेज क जब धियान करित ह तउ हमका वइसेन भवा लागत ह अउ हमार तेज बहुत अधिक बढ़ा लागत ह। तेज उ पभू स मिलत ह, जउन आतिमा अइइ।

### माटी क भांडी में आतिमा क धन

**4** काहेकि परमेस्सर क दया स इ सेवा हम सबन का मिली बा, इही बरे हम निरास नाहीं होइत। <sup>2</sup>हम तउ लजाइ वाला छुपा काम क छोड़ दिहे अही। हम कपट नाहीं करित अउर न तउ हम परमेस्सर क बचन में मिलावट करित ह बल्कि सत्य क सरल रूपे में परगट कइके लोगन क चेतना में परमेस्सर क सामने अपने आपके प्रसंसा क जोग ठहराइत ह। <sup>3</sup>जउन सुसमाचार क हम प्रचार करीत ह, ओह पर य कउनउ परदा पड़ा होइ तउ इ केवल ओनके बरे पड़ा बा। जउन बिनासे क रस्ता पर चलत हीं। <sup>4</sup>एह जुगे क सुवामी (सइतान) एह अबिषवसियन क बुद्धि क आँधर कइ दिहे अहइ। ताकि उ पचे परमेस्सर क साच्छात एकदमई वइसेन हीं रूप उ

मसीह क महिमा क सुसमाचार स फूटत रहा प्रकास (सत्य) क न देख पावईस।

<sup>5</sup>हम खुद आपन प्रचार नाहीं करित ह बल्कि पभू क रूपवा में उ मसीह ईसू क उपदेस देइत ह। अउर अपने बारे में त इहइ कहित ह कि हम ईसू क नाते तोहार सेवक अही। <sup>6</sup>काहेकि उइ परमेस्सर तउ जउन कहे रहा, “अँधियारे स ओजियारे में चमकइ।” उहइ हमरे हीये में अँजोर भवा बा। ताकि हमका ईसू मसीह क व्यक्तित्व में परमेस्सर क महिमा क गियान क ज्योति मिल सकइ।

<sup>7</sup>मुला हम जइसेन माटी क भाँडिन में उ सम्पतिन इही बरे रखी गइ बा, अउर इ सिद्ध होइ गवा अहइ कि उ असीमित सक्ति हममे नाहीं उहइ आवत बल्कि परमेस्सर से आवत ह। <sup>8</sup>हम हर समइ सब प्रकार क कठिन दबाव में जियत हइ, मुला हम कुचला नाहीं ग अही। हम घबरान अही मुला निरास नाहीं अही। <sup>9</sup>हमका यातना दीन्ह जात ह, पर हम खतम नाहीं अही हम झुकाइ दीन्ह जात अही, पर नस्त नाहीं होइत।

<sup>10</sup>हम हमेसा अपने देह में ईसू क हतिया क सब जगहा लिहे रहित ह ताकि ईसू क जीवन उ हमरे देहन में स परगट होइ। <sup>11</sup>ईसू क कारण हम जउन जितत अही ओनके हमेसा मऊत क हाथे सौंपा जात ह। ताकि ईसू क जीवन नासवान सरीर में एकदमई उजागर होइ सकइ। <sup>12</sup>इही बरे मऊत हमरे में अउर जीवन तोहरे में सक्रिय बा।

<sup>13</sup>सास्तरन में लिखा बा, “मई बिसवास किहे रहेउँ इही बरे मई बोलेउँ।” \* हमहूँ में बिसवास क उहइ आतिमा बा अउर हम भी उही प्रकार क बिसवास करित ह इहीं बरे हमहूँ बोलित ह। <sup>14</sup>काहेकि हम जानित ह कि जे पभू ईसू क मरे रहे में जियाइ क उठाएस उ हमहूँ क उही तरह ईसू क साथ जिन्दा करिही। जइसेन क ईसू क जियाएस ह। अउर हमहूँ क तोहरे साथे अपने सामने खड़ा करिही।

<sup>15</sup>इ सब बात तोहरे बरे ही करी जात ह। ताकि जियादा से जियादा लोगन में फइलत जात रही परमेस्सर क अनुग्रह परमेस्सर क महिमा चमकावइ वाले जियादा स जियादा धन्यवाद देइ में फलि सकइँ।

### बिसवास स जीवन

<sup>16</sup>इही बरे हम निरास नाहीं होइत! जद्यपि हमार भौतिक सरीर कमजोर होत जात बा, तबऊ हमार अन्तरात्मा रोजइ नवा से नवा होत जात बा। <sup>17</sup>हमार पल भरे क इ छोट मोट दुख एक न तुलना कीन्ह जाइवाली अनन्त महिमा पैदा करत बा। <sup>18</sup>जउन कछू देखा जाइ सकत ह, हमार आँखी ओह पर नाहीं टिकी बा। काहेकि

जउन देखा जाइ सकत ह उ बिनासी नहीं बा, जब कि जउन नहीं देखा जाइ सकत ह उ अस्थाई बा।

**5** काहेकि हम जानित ह कि हमार इ काया मतलब इ तम्बू जेहमें हम इ धरती पर रहित ह गिराइ दीन्ह जाई तउ हमका परमेस्सर क तरफ स सरग में एक भवन मिलि जात ह, जउन मनइयन क हाथे बना नहीं बा अउर यह भवन चिरस्थाई अहइ। <sup>2</sup>तउ हम जब तलक इह आवास में अही, हम रोवत-धोवत रहित ह अउर इहइ चाहित रहित ह कि अपने स्वर्गीय भवन में जाइ बसी। <sup>3</sup>(निश्चित हमार इ धारणा अहइ कि हम ओका पउबइ अउर फिन बिना घरे क न रहबइ।) <sup>4</sup>हमरे में स उ जउन इहइ तम्बू यानि भौतिक सरीरी में स्थित बा, बोझ से दबा कराहत बाटेन। कारण इ अहइ कि हम कबहुँ नंगा न पावा चाहित काहेकि उम्मीद अहइ हम जब संसारिक सरीर छोड़ देब ताकि जउन कछू नासवान बा ओका अनन्त जीवन निगल लेइ। <sup>5</sup>जे हमका इ प्रयोजन क बरे तइयार किहे अहइ, उ परमेस्सर ही अहइ। उहइ इ आस्वासन क रूप में कि अपने बचन की नहीं उ हमका देइ। बयाना क तरह हमका आत्मा विहे बा।

<sup>6</sup>हमका पूरा बिसवास बाटइ, काहेकि हम जानित ह कि जब तक हम अपने देही में रहत अही, पभू से दूर अही। <sup>7</sup>काहेकि हम बिसवास क सहारे जित अही बस आँखी देखी क सहारे नहीं। <sup>8</sup>हमका बिसवास बा इही बरे मई कहत हउँ कि हम अपने देही क तियागके, जाइके पभू क साथे रहइ बरे अच्छा समझित ह। <sup>9</sup>इही बरे हमार ई अभिलास बा कि हम चाहे हियाँ अपने सरीर में रही अउर चाहे हुआँ पभू क साथ, ओका अच्छा लागत रहइ। <sup>10</sup>हम सब आपन तन में स्थित रहिके भला या बुरा, जउन कछू किहे अही, ओकर फल पावई बरे मसीह क निआव आसन क समन्वा उपस्थित जरूर होइ क बा।

### परोपकारी परमेस्सर क दोस्तन होत ह

<sup>11</sup>सच क स्वीकार करा, काहेकि हम जानित ह कि पभू स डराइक, मतलब होत ह। हमरे अउर परमेस्सर क बीच में कउनउ परदा नहीं बा। अउर मोका आसा बा कि तू हमका पूरी तरह से जानत अहा।

<sup>12</sup>हम तोहरे सामने फिन स आपन कउनउ सिफारिस नहीं करत अही। बल्कि तोह पचन क एक अवसर देत अही कि तू हम प गरब कइ सका। ताकि जउन देखाइवाली चीजन पर गरब करत हीं, तउ ओह प जउन कछू ओनके मने में बा, ओनका ओकर उत्तर दइ सकइ। <sup>13</sup>काहेकि अगर हम दीवाना अही तउ परमेस्सर बरे अही अउर अगर सयान अही तउ उ तोहरे बरे अही। <sup>14</sup>जउन निम्ता अहइ हमार तउ मसीह क पियेम अहइ। काहेकि हम अपने मन में इ धई लिहे अही कि उ एक

मसीह सब मनइयन क बरे मरा रहा। मतलब सब मरि गएन। <sup>15</sup>अउर उ सब जने बरे मरा काहेकि जउन लोग जिन्दा अहई, उ अब आगे बस अपनेन बरे न जित रहइ। बल्कि ओनके बरे जियई जउन मरइ क बाद फिन जिन्दा कइ दिहा गवा।

<sup>16</sup>परिणामस्वरूप अबहुँ स आगे हम कउनो क मनइयन क संसारी आँखी स नहीं देखा। जद्यपि एक समइ हम मसीह क संसारी आँखी स देखे रहे। चाहे कछू होइ, अब हम ओका इही तरह स नहीं देखित ह। <sup>17</sup>इही बरे अगर कउनो मसीह में बाटई तउ अब उ परमेस्सर क नवी म्रिस्टी क अंग अहइ। पुरान बात जात रही अब। सब कछू नवा होइ गवा वा। <sup>18</sup>अउ फिन उ सब बात ओह परमेस्सर का कारज अहई, जउन हमका मसीह क कारण अपने में मिलाइ लिहे बा अउर जने क परमेस्सर स मिलवाइ क काम हमका सौंपे बा। <sup>19</sup>हमार सँदेसा बा कि परमेस्सर लोगन क पापन क अनदेखी करत मसीह क कारण ओका अपने में मिलावत ह। अउर उहइ मनइयन क परमेस्सर से मिलवइ क सँदेस हमका सौंपे अहइ। <sup>20</sup>इही बरे हम मसीह क प्रतिनिधि रूप में काम करत अही। माना कि खुद परमेस्सर लोगन का बोलौवत ह हमरे माध्यम स। मसीह क तरफ से हम तोहसे बिनती करत अही कि परमेस्सर क साथे मिलि जा। <sup>21</sup>जउन मसीह पाप रहित रहा, परमेस्सर ओका हमरे बरे पाप ठहराएस ओका उ इही बरे पाप बली बनाएस कि ओकरे हम कारण परमेस्सर क साथे अच्छा बन जाई।

**6** परमेस्सर क काम में साथे साथे काम करइ क नाते हम तू लोगन स आग्रह करत अही कि परमेस्सर क जउन अनुग्रह तोहे मिला बा, ओका बेकार न जाइ दया। <sup>2</sup> काहेकि उ कहे बा:

“तोहार सुन लिहा अच्छे समइ पर मई अउर उद्धार क दिना आवा मई तोहका सहारा देइ।”

यसायाह 49:8

देखा! “उचित समइ” इहइ अहइ! देखा! “उद्धार क दिन” इहइ अहइ।

<sup>3</sup>हम कउनो क बरे कउनउ बहुत विरोध उपस्थित नहीं करित ह जैसे हमरे कामे में कउनउ कमी आवइ। <sup>4</sup>बल्कि परमेस्सर क सेवक क रूप में हम सब तरह से अपने क अच्छा सिद्ध करत रहित ह। धीरज क साथे सबकछू सहत सहत सबइ यातना क बीच, बिपत्तियन क बीच, कठिनाइन क बीच <sup>5</sup>मार खात खात बन्दी घरे में रहत रहत भीड़ हमरे खिलाफ अउर हमसे झगड़त रही मेहनत करत करत रातिन रात पलकउ न झपकाइके, भूखा रहिके, <sup>6</sup>अपने पवित्तर जीवन, गियान अउर धीरज से आपन दया स, अपने पवित्तर आत्मा स, अपने सच्चे पियेम स <sup>7</sup>अपने सच्चे सँदेस अउर परमेस्सर क सक्ती स

नेकी क अपने दायें बाँए हाथन में ढाल क रूप में लइके <sup>8</sup>हम आदर अउर निरादर क बीच अपमान अउ सम्मान में अपने क उपस्थित करत रहित ह। हमका ठग समझा जात ह, हम सच्चा अही <sup>9</sup>हमका गुमनाम समझा जातह, जब कि हम सच्चा अही हमका मरा हुआ जानत हीं, तबउ देखा हम जिनदा अहीं। हमका दण्ड भोगईवाला जाना जात ह, तबउ देखउ हम मरुत क नहीं सौंपा जाइत ह। <sup>10</sup>हमका सोक से बियाकुल समझा जात ह, जबकि हम तउ हमेसा खुस रहित ह। हम दीन हीन क नाई जाना जाइत ह, जब कि हम बहुत जने क धनी बनावत अही। लोग समझत हीं कि हमरे लगे कछू नहीं ना, जब कि हमरे लगे तउ सब कछू बा।

<sup>11</sup>हे कुरिन्थियन! हम तोहसे पूरी तरह खुली क बात किहे अही। तोहरे बरे हमार मन फैला बा। <sup>12</sup>हमरा पियेम तोहरे बरे कम नहीं भवा बा। मुला तू हमसे पियेम करई क बन्द कइ दिहे अहा। <sup>13</sup>तोहका आपन बच्चा समझत भए मई कहत हउं कि अच्छा प्रतिदान क रूप में आपन मन तोहार हमरे बरे पूरी तरह फैला रहइ चाही।

### गैर मसीहन क संगत क विरुद्ध चेतावनी

<sup>14</sup>अबिसवासियन क साथे बेमेल संगत जिनकरा काहेकि नेकी अउर बदी क भला कइसेन बराबरी? इ प्रकास अउर अँधारे में भाईचारा क कइसेन तालमेल? <sup>15</sup>अइसे मसीह क बलियाल (सइतान) स का तालमेल अउर अबिसवासी क साथे बिसवासी क कइसेन साझा? <sup>16</sup>परमेस्सर क मंदिर क मूर्तियन स का नाता? काहेकि हम खुदइ उ सजीव परमेस्सर क मंदिर अही, जइसेन की परमेस्सर कहे रहा:

“मई ओहमे अधिवास करब, चलबई फिरब होब ओनकर परमेस्सर अउर बनिहीं उ मोर लोग।”

लैव्यव्यवस्था 26:11-12

<sup>17</sup>इहीं बरे तू ओहमें स आइ जा बाहेर, अलग करा ओनसे अपने क अब न कबहुँ छुआ तू कछूउ जउन असुद्ध अहइ तब मई तोहका अपनउबई।”

यसायाह 52:11

<sup>18</sup>“अउ तोहार पिता बनब तू होब्या मोर बेटवा, मोर बिटिया सर्वसक्तीमान पभूँ इ कहत हीं।”

2 समूएल 7:14; 7:8

**7** पिआरे मित्रन, काहेकि हमरे लगे इ प्रतिज्ञाँ अहई, इही बरे आवा परमेस्सर क बरे प्रद्वान क कारण हम अपने पवित्रता क परिपूरन करत भए अपने बाहेर

अउर भीतर सबन दोसन क धोइ डालेन। हमका परिपूर्ण होइ चाही जइसे हम जिअत अही, काहेकि हम परमेस्सर क सम्मात करित ह।

### पौलुस क आनन्द

<sup>2</sup>अपने मने में हमका स्थान द्या हम कउनो क कछू बिगाड़े नहीं अही। हम कउनो क कउनउ ठेस नहीं पहुँचाए अही। हम कउनो क साथे छल नहीं किहे अही। <sup>3</sup>मई तोहे दोसी ठहरावइ बरे अइसेन नहीं करत अही काहेकि मई तोहे बताइ चुका अही कि तू तउ हमरे मने में बसता हिआँ तलक कि हम तोहरे साथे मरई क अउर जिअइ क तइयार अही। <sup>4</sup>मई तुमसे खुलकर कह रहा हूँ कि तोहपे मोका बड़ा गरब बा। मई सुख चैन से अहउँ। आपन सब यातना झेलत मोका आनन्द उमड़त रहत ह।

<sup>5</sup>जब हम मैसीडोनिया आइ रहे तबहुँ हमका आराम नहीं मिला रहा, बल्कि हमका तउ सब तरह से दुख उठावइ पड़ा रहा बाहेर क झगड़न से अउर मन क भितर डर से। <sup>6</sup>मुला दीन दुखिन क खुस करइवाला परमेस्सर त तीतुस क इहाँ पहुँचाइके हमका सान्त्वना दिहे अहइ। <sup>7</sup>अउर उहउ केवल ओनके इहाँ पहुँचने की नहीं बल्कि अइसे हमका अउर जियादा सान्त्वना मिली कि तू ओका केतना सुख दिहे अहा। उ हमका बताएस कि हमसे मिलइ क तू केतना बियाकुल अहा। तोहका हमार केतनी चिन्ता बा। ऐसे हम अउर भी खुस भए।

<sup>8</sup>जद्यपि अपने चिट्ठी स मई तोहका दुख पहुँचाए हउं मुला फिन भी मोका ओके लिखई क खेद नहीं बा। चाहे पहिले मोका एकर दुख भवा मुला अब मई देखत अही कि उ चिट्ठी स तोहे बस पल भरे क दुख पहुँचाए रहेउँ। <sup>9</sup>तउ अब मई खुस हउँ। एह बरे नहीं कि मई तोहका दुख पहुँचाए रहेउँ। बल्कि एह बरे कि उही दुखे क कारण से तू पछतावा किहे अहा। तोहका उ दुख भवा जेह तरह कि परमेस्सर चाहत रहा ताकि तोहका हमरे कारण कउनउ हानि न पहुँच पावइ।

<sup>10</sup>काहेकि उ दुख जउन परमेस्सर की इच्छा क अनुसार होत ह एक अइसेन मनफिराव क जन्म देत ह जेहके बरे पछतावई क नहीं पड़त अउ जउन मुक्ति देवाँवत ह। मुला उ दुख जउन संसारी होत ह, ओहसे तउ बस मउत जन्म लेत ह। <sup>11</sup>देखा! इ दुख जउन परमेस्सर दिहे अहइ, उ तोहमें केतना उत्साह जगाइ दिहे बा। अपने भोलापन क केतना प्रतिरच्छा, केतना विरोध केतना आकुलता, हमसे मिलइ क केतनी बेचैनी, केतना साहस, पापी क बरे निआव चुकावइ क कइसेन भावना पैदा कइ दिहे बा। तू हर बाते में इ देखइ दिहे अहा कि एह बरे में तू केतना निर्दोस रह्या।

<sup>12</sup>तउ इ मई तोहे लिखे रहे तउ उ मनई क कारण नहीं जउन अपराधी रहा अउ न तउ ओकरे कारण

जेनके प्रति अपराध किहा गवा रहा। बल्कि एह बरे लिखा गवा रहा कि परमेस्सर क सामने हमरे कारण तोहरे चिन्ता क तोहका बोध होइ जाए। <sup>13</sup>ऐसे हमका प्रोत्साहन मिला बा।

हमरे इ प्रोत्साहन क अलावा तीतुस क आनन्द स हम अउर जियादा आनन्दित भए काहेकि तू सबके कारण ओनके आत्मा क चइन मिला बा। <sup>14</sup>तोहरे बरे मई ओनसे जउन बड़ चढ़ क बात किहे रहे, ओकरे बरे मोका लजाइ क नाही पड़ा रहा। बल्कि हम जइसे तोहसे सबकछू सच सच कहे रहे वइसेन ही तोहरे बरे मैं हमार गरब तीतुस क सामने सच सिद्ध भवा अहइ। <sup>15</sup>उ जब इ याद करत ह कि तू सब कउनो तरह ओनकर आगिया माना ह अउर डर क मारे थर थर काँपत भए तू कइसे ओनका सुवागत किहा तउ तोहरे बरे ओनकर पियेम अउ जियादा ब जात ह। <sup>16</sup>मई खुस अही कि मई तोहसे पूरा भरोसा रखी सकित ह।

### हमार दान

**8** देखा भाइयो, अब हम इ चाहित ह कि तू परमेस्सर क ओह अनुग्रह क बारे मैं जान ल्या मैसीडोनिया छेत्र क कलीसियावन पर कीन्ह गवा बा। <sup>2</sup>मौर मतलब इ अहइ कि जद्यपि ओनकर कठिन परीच्छा लीन्ह गइ अहइ। तबउ उ पचे खुस रहेन, अउ अपने गहन गरीबी क रहत ओनकर सब उदारता उमड़ी पड़त रही। <sup>3</sup>मई प्रमानित करत हउँ कि उ पचे जेतना दइ सकत ही दिहेन! एतनई नाही बल्कि अपने समरथ से जियादा प्रोत्साहन दइ दिहेन। <sup>4</sup>उ पचे बड़े आग्रह क साथ परमेस्सर क लोग सहायता करइ मैं हमका सहयोग देइ क विनय करत रहेन। <sup>5</sup>ओनका जइसेन हमसे आसा रही, वइसेन नाही बल्कि पहिले अपने आप क पभू क समर्पित किहेन अउर फिन परमेस्सर क इच्छा क अनुकुल उ पचे हमका अर्पित होइ गएन।

<sup>6</sup>इहीं बरे हम तीतुस स पराथना कीन्ह कि जइसेन उ अपने काम क पूरा कइ ही दिहे बाटइ होइ। वइसेन हँ उ अनुग्रह क काम क तोहरे बरे करी। <sup>7</sup>अउ जइसेन कि तू सब बाते मैं यनि बिसवासे मैं, बानी मैं, गियान मैं, अनेक प्रकार क उपकार करइ मैं अउर हम तोहका जउनो पियेम क सिच्छा ह दीन्ह ह उ पियेम मैं, जउन भरपूर होइ सीख्या ह वइसेन ही अनुग्रह क इ कामें मैं सम्पन्न होइ जा।

<sup>8</sup>इ मई आदेस क रूपे मैं नाही कहित ह बल्कि अउर मनइयन क मने मैं तोहरे बरे जउन तेजी बा, उ पियेम क सच्चाई क परख करइ क बरे अइसेन कहत इँ। <sup>9</sup>काहेकि हमार पभू ईसू मसीह क अनुग्रह स तू परिचित अहा। तू इ जानत अहा कि धनी होके तोहरे बरे उ निरधन बन गवा। ताकि ओनकइ गरीबी स तू मालामाल होइ जा।

<sup>10</sup>इ बिसय मैं मई तोहे आपन सलाह देत हउँ, तोहे इ सोभा देत ह। तू पिछले साल न केवल दान देइ क इच्छा मैं सबसे आगे रह्या, बल्कि दान देइ मैं भी सबसे आगे रह्या। <sup>11</sup>अब दान करइ क उ तेज इच्छा क तू जउन कछू तोहरे पास बा, ओहसे पूरा करा। तू एका ओतनेन लगन से "पूरा करा।" जेतने लगन से तू एका "चाहे" रह्या। <sup>12</sup>काहेकि अगर दान स देइ क लगन अहइ तउ मनइयन क लगे जउन कछू बा, उहइ क अनुसार ओकर दान ग्रहण करइ क जोग्य बनत ह। न कि ओनके अनुसार जउन ओनके पास नाही बा। <sup>13</sup>हम इ नाही चाहित ह कि दुसरन क तउ सुख मिलई अउर तोहे कस्टन, बल्कि हम तउ बराबरी चाहित ह। <sup>14</sup>हमार इच्छा बा कि ओनके इ अभाज क समइ मैं तोहरे सम्पन्नता ओनके अभाव क दूर कइ सकइ आवश्यकता पड़े पर आगे चलिके ओनकी सम्पन्नता भी तोहरे अभाव क दूर करइ, ताकि समता स्थापित हो सकइ। <sup>15</sup>जइसे कि पवित्र सास्तर मैं कहा गवा बा:

"जे बहुत बटोरेस ओकरे लगे न जियादा रहा, अउर जे कम बटोरेस ओकरे लगे न तनिकउ रहा।"

निर्गमन 16:18

### तीतुस अउर ओनकर संघी

<sup>16</sup>परमेस्सर क धन्यवाद बा जे तीतुस क मने मैं तोहरे सहायता क बरे वइसेन तीत्र इच्छा भर दिहे बा, जइसेनइ हमरे मने मैं बा। <sup>17</sup>काहेकि उ हमार पराथना स्वीकार किहेस अउर उ ओकरे बरे विसेस रूप स आपन इच्छा भी क रखत ह। इही बरे उ खुद आपन इच्छा से ही तोहरे लगे आवई बरे बिदा होत बा। <sup>18</sup>हम ओकरे साथे उ भाई क भेजत अही, जेकर सुसमाचार क प्रचार की उत्सुकता सब कलीसियावन मैं सब जगह जस फइलत बा। <sup>19</sup>एकरे अलावा इ दयापूर्वक काम मैं कलीसियावन ओका हमरे साथे जात्रा करइ बरे नियुक्त कीन्हा गवा अहइ। इ दया क काम जेकर प्रबन्ध हमरे कारण कीन्हा जात अहइ। खुद पभू क महिमा करइ बरे अउर परोपकार मैं हमार लगन क देखौवई बरे बा।

<sup>20</sup>हम सावधान रहइ क चेस्टा करत अही इ बड़े भेंट की व्यवस्था करत अही, केऊ हमार बुराई न करइ। <sup>21</sup>काहेकि हमका आपन अच्छी साख बनबइ रखइ क चिन्ता बा। न केवल पभू क आगे बल्कि लोगन क बीच मैं। <sup>22</sup>अउ ओनके साथे हम आपन उ भाई क भेजत रहे, जेका बहुत बिसय मैं अउ बहुत मौकन पर हमका परोपकार क बरे उत्सुक मनई क रूप मैं प्रभावित किहे अहइ। अउर अब त तोहरे बरे ओहमें जउन असीम बिसवास बा, ओहसे ओहमें सहायता करइ क उत्साह अउर जियादा होइ गवा बा।

<sup>23</sup>जहाँ तलक तीतुस क विसय मैं पूछे बा, तउ तोहरे बीच सहायता क काम मैं मोर साथी अउर साथे साथे काम करइवाला रहा। अउर जहाँ तलक हमरे भाइयन क सवाल बाटई, उ सबइ तउ कलीसियन क प्रतिनिधि अउ मसीह क महिमा लावत समान बा। <sup>24</sup>तउन तू ओन्हे अपने पिरेम क प्रमाण देब अउर तोहरे बरे हम एतना गरब काहे रक्खत ह, ऐका सिद्ध करब ताकि सब कलीसिया ओका देख सकई।

### साथियन क मदद करा

**9** अब परमेस्सर क लोगन क सेवा क बारे मैं तोहे एह तरह से लिखत चला जाब मोरे बरे जरूरी नाहीं बा। <sup>2</sup>काहेकि सहायता क बरे तोहर लोगन क मई जानत हउँ अउर ओकरे बरे मैसीडोनिया निवासियन क सामने इ कहत मोका गरब बा कि अखाया क लोग तउ, पिछले साल से ही तइयार अहई। अउ तोहरे उत्साह तउ ओनमें से जियादातर काम बरे प्रेरणा दिहे अहई। <sup>3</sup>मुला मई भाइयन क तोहरे लगे इही बरे भेजत हउँ कि तोहके लइक मई जउन गरब करत हउँ, उ एहे बारे मैं खराब सिद्ध न होई। अउर एह बरे की तू तइयार रहा, जइसेन की मई कहत आएउँ ह।

<sup>4</sup>नाहीं तउ जब केउ मैसीडोनिया बासी मोरे साथे तोहरे लगे आवइ अउर उ पचे तोहे तइयार न पावई तउ तोहरे ऊपर बिसवास करइ क कारण हमार बदनामी होइ, इहइ नाहीं काहेकि एहमे तोहार बदनामी होइ। (तू अउर जियादा लजित होब्या।)

<sup>5</sup>इहीं बरे मई भाइयन स इ कहब जरूरी समझा कि उ हमसे पहिले ही तोहरे लगे जाई अउर जेन उपहारन क दइ क तू पहिलेन ही बचन दइ चुका अहा ओन्हे पहिलेन से उदारतापूर्वक तइयार रखा। इही बरे इ दान स्वेच्छापूर्वक तइयार रखा जाइ न कि दबाउ क साथे तोहसे छीनी गइ कउनउ चीज के रूप में।

<sup>6</sup>एका याद रक्खा। जे छितरा बोवत ही, उ छितरा ही कटिहीं। अउर जेकर बुआइ सघन बा, उ सघनइ काटी। <sup>7</sup>सब कउनो बिना कउनउ कस्ट क य बिना कउनउ दबाउ क, उतनइ देइ जेतना उ मने मैं सोचे अहइ। काहेकि परमेस्सर खुस मनइयन से ही पिरेम करत ह। <sup>8</sup>अउ परमेस्सर तोहपे सब प्रकार क अच्छा बरदानन क वर्सा कइ सकत ह जेसे तू अपने जरूरत क सब चीजन मैं हमेसा खुस होइ सकत ह अउर सब अच्छे कामन क बरे फिन तोहरे लगे जरूरत से जियादा रही। <sup>9</sup>जइसेन की पवित्तर सास्तर मैं लिखा बा:

“मुक्त भाव से ऊ देत ह उ देत ह दीन लोगन क अउर बनी रहत ह ओकर हमेसा दया क हमेसा हमेसा बरे।”

भजन संहिता 112:9

<sup>10</sup>उ परमेस्सर ही बोवइवाले क बीज अउर खाइवाले क भोजन देत ह। उहइ तोहे आत्मिक बीज देई अउ ओकर बढवार करी। उही से तोहरे नीक क खेती फूली फली। <sup>11</sup>तू सब प्रकार से सम्पन्न बनावइ जाब्या ताकि तू हर असर पर उदार बन सका। तोहार उदारता परमेस्सर बरे लोगन क धन्यवाद क पैदा करी। <sup>12</sup>दान क इ पवित्तर सेवा मैं तोहार योगदान से न केवल पवित्तर लोगन क जरूरत पूरी होत ह। बल्कि परमेस्सर बरे बहुत जियादा धन्यवाद क भाउ भी उपजत ह। <sup>13</sup>काहेकि तोहरे इ सेवा स जउन प्रेरित होकर परगट होत ह, ओसे लोग परमेस्सर क स्तुति करिहीं। काहेकि ईसू मसीह क सुसमाचार मैं तोहरे बिसवासो क घोसणा से पैदा भई तोहार आग्या क कारण अउर अपने क कारण ओनके बरे अउ अपने दयालुपन क कारण ओनके बरे अउर दुसरे सब लोगन बरे तू दान देत ह। <sup>14</sup>अउर पचे तोहरे बरे पराथना करत तोहसे मिलइ क बड़ी इच्छा करिहीं। तोहपे परमेस्सर क असीम अनुग्रह क कारण <sup>15</sup>उ भेंट क बरे जेकर बखान नाहीं कीन्ह सकत ह, परमेस्सर क धन्यवाद अहइ।

### पौलुस स अपने सेवा क समर्थन

**10** मई पौलुस, अपने तउर पर मसीह क कोमलता अउर सहनशीलता क साच्छी कइके तोहसे निवेदन करत अहउँ। लोगन क कहब अहइ कि मई जउन तोहरे बीचवा मैं रहत विनम्र अहउँ। मुला उहइ मई जब तोहरे बीच नाहीं अहउँ, तउ तोहरे बरे निर्भय हउँ। <sup>2</sup>अब मोर तोहसे बिनती बा कि जब मई तोहरे बीच होउँ तउ उही बिसवास क साथे वइसेन ही निर्भरता दिखावइ क मोहप दबाव जिन डावा जइसेन कि मोरे विचार से मोका कछू ओन्हन लोगन क विरुद्ध देखावई होइ जउन सोचत ही कि हम एक संसारी जीवन जीइत ह। <sup>3</sup>काहेकि जद्यपि हमहूँ इही संसारे मैं रहित ह। मुला हम संसारी लोगन क तरह नाहीं लड़ित ह। <sup>4</sup>काहेकि जउने सास्तरन स हम लोगन क तर्कन क अउर ऊ हर एक रूकावट जउन परमेस्सर क गियान क विरुद्ध खड़ा अहई, खण्डन करत हीं। <sup>5</sup>सो हम कल्पना क, अउर हर एक उंची बात क, जो परमेस्सर क पहचान क विरोध मैं उठत अहई, खण्डन करित ह, अउर हर एक भावना का कैद कहेके मसीह क आग्याकारी बनाइ देत अही। <sup>6</sup>जब तोहमे कुल आग्या करत बाटेन तउ हम सब परोपकार क अनज्ञा क दण्ड देइ बरे तइयार अही।

<sup>7</sup>तोहरे सामने जउन लच्छ बा ओनहीं क देखा। अगर केउ अपने मने मैं इ मानत ह कि उ मसीह क अहइ, त उ अपने बारे मैं फिन स याद करइ कि उहइ ओतनइ मसीह क अहइ जेतना कि हम अही। <sup>8</sup>अउर अगर अपने उ अधिकार क विसय मैं कछू अउर गरब करइ जेका पभू हमे तोहरे बिनास क बरे नाहीं बल्कि

आत्मिक निर्माण क बारे दिहे बा।<sup>9</sup>तउ एकरे बारे मई तोहका इ भावना नाहीं देई चाहित कि मई अपने पत्तरन स तोहका घबड़बाइत ह।<sup>10</sup>मोरे विरोधीन क कहब बा, “पौलुस क चिट्ठी तउ भारी भरकम अउर प्रभाऊपूरक अहई। लेकिन मोर उपस्थित रहब अहइ तउ व्यक्तित्व कमजोर अहइ अउर बानी अर्थहीन बा।”

<sup>11</sup>मुला अइसेन कहइवाले मनइयन क समझ लेइ चाही कि तोहरे बीच मैं न रहत भए, जब हम अपने चिट्ठीन मैं कछू लिखित ह तउ ओहमें अउर तोहरे बीच रहत हम जउन करम करित ह ओहमें कउनउ अन्तर नाहीं बा।

<sup>12</sup>हम उ कछू लोगन क साथे हमका तुलना करइ क साहस नाहीं करित ह जउन अपने आपके बहुत महत्वपूर्ण मानत हीं। मुला जब अपने क एक दूसरन से नापत हीं अउर आपस मैं आपन तुलना करत हीं तउ उ इ दरसवात हीं कि उ पचे नाहीं जानत हीं कि उ पचे केतना मूरख अहई।<sup>13</sup>चाहे जउन होइ, हम अच्छे उचित सीमा से बाहेर बढ़ चढ़ क बात न करबा। बल्कि परमेस्सर तउ हमरे सेवा क जउन सीमा हमका सौंपे अहइ, हम उहीं मैं रहित ह, अउर सीमा तोहे तलक पहुँचत ह।<sup>14</sup>हम अपने सीमा क उल्लंघन नाहीं करत अहीं, जइसेन कि अगर हम तोहरे तक नाहीं पहुँच पाइत, तउ होइ जात। मुला तोहे तक ईसू मसीह क सुसमाचार लइके हम तोहरे लगे सबसे पहले पहुँचा अहीं।<sup>15</sup>अपने उचित सीमा स बाहेर जाइके कउनो अउर दुसरे मनइयन क काम पर हम गरब नाहीं करित ह मुला हमका आसा बा कि तोहार बिसवास जइसे जइसे बढ़ी तउ वइसे वइसे ही हमार गतिबिधियन क छेत्र क साथे तोहरे बीच मैं हमहूँ बियापक रूप स फइलबा।<sup>16</sup>अइसे तोहरे छेत्र क अगवा हम सुसमाचार क प्रचार कइ पाउबा। कउनो अउर क जउन काम सौंपा गवा बा ओह छेत्र मैं अब तलक जउन काम होइ चुका बा हम ओकरे बारे सेखी नाहीं बघारत अहीं।<sup>17</sup>जइसेन की सास्तरन मैं कहा गवा बा: “जेका गरब करइ क बा वो पभूँ जउन कछू किहे अहइ उहइ पर गरब करा।” \*<sup>18</sup>काहेकि अच्छा उहइ माना जात ह जेका पभूँ अच्छा स्वीकारत ह, न कि उ जउन अपने आपके खुद अच्छा समझत हीं।

### बनावटी प्रेरित अउर पौलुस

**11** कास, तू मोर थोड़क मूरखता सही लेत्या। हाँ तू ओका सहि ल्या।<sup>2</sup>काहेकि मई तोहसे जलन होत ह, इ जलन उ अहइ जउन परमेस्सर से मिलत ह। मई तोहार मसीह से सगाई कराइ दिहे हईं। ताकि तोहे एक पवित्र कर्न्या क समान ओका अर्पित कइ सकउँ।<sup>3</sup>मुला मई डेरात अहई कि कहूँ जइसेन उ सर्प हव्वा क

अपने कपट से भ्रष्ट कइ दिहे रहा। वइसेन ही कहूँ तोहार मन उ एक निस्टा भक्ति अउर पवित्रता स, जउन मोका मसीह क लिए रक्खई चाही, भटकाई न दीन्ह जाई।<sup>4</sup>काहेकि जब कउनो तोहरे लगे आइके जे ईसू क बारे मैं जउन कहे रहा, ओका छोड़ी क कउनो दूसरे ईसू क तोहका उपदेस देत ह अउर जउन आत्मा तू ग्रहण किहे अहा, ओसे अलग कउनो अउर आत्मा क तू ग्रहण करत ह अउर छुटकारा क जउन सेँदिस क तू ग्रहण किहे अहा, ओसे अलग कउनो दूसरे सेँदिस क उ ग्रहण करत ह।

<sup>5</sup>तउ तू बहुत खुस होत अहा। पर मई अपने आपके तोहरे “बडेन प्रेरितन” से बिलकुल छोट नाहीं मानत अहईं।<sup>6</sup>होइ सकत ह कि मोर बोलइ क सकती सीमित बा मुला मोर गियान तउ असीम बा। इ बाते क हम सबहिं बाते मैं तोहे स्पष्ट रूप से दरसाए हईं।

<sup>7</sup>अउ फिन मई सेंटइ मेंतई मैं सुसमाचार क उपदेस दइके तोहे ऊँचा उठावई बरे अपने आपके झुकावत भए, का कउनउ पाप किहे अहइ? <sup>8</sup>मई दूसरे कलीसियन स आपन मेहनताना लइके ओनका लूटे हईं ताकि मई तोहार सेवा कइ सकउँ।<sup>9</sup>अउर तब मई तोहरे साथे रहेईं तब जरूरत पड़े प मई कउनो प बोझ नाहीं डालेईं काहेकि मैसीडोनिया स आपन भाइयन मोर जरूरतन क पूरा कइ दिहे रहेन। मई हर बाते मैं अपने आपके तोहपे न बोझ बनई दिहे हईं अउर न बनई देबा।<sup>10</sup>अउर काहेकि मोहमाँ मसीह क सच निवास करत ह। इही बरे अखाया क समूचे छेत्रन मैं मोका बड़ चढ़ क बोलइ स केउ नाहीं रोक सकत ह।<sup>11</sup>भला काहे? का इही बरे कि मई तोहसे पिरेम नाहीं करत हईं? परमेस्सर जानत ह, मई तोहसे पिरेम करत हईं।

<sup>12</sup>मुला जउन मई करत हईं ओका तउ करतइ रहब, ताकि ओन्हन कही गइ प्रेरितन क गरब क, जउन गरब करइ क कउनउ अइसेन बहाना चाहत हीं। जेसे सबइ ओनहीं कामे मैं हमरे बराबर समझा जाई सकई जेनपइ ओनका गरब बा। मई ओनके उ गरब क खतम कइ सकउँ।<sup>13</sup>अइसे लोग नकली प्रेरित अहईं। ऊ पचे छली अहईं, उ मसीह क प्रेरित होइ क ढोंग करत हीं।<sup>14</sup>ऐहमें कउनउ अचरज नाहीं बा, काहेकि सइतान त परमेस्सर क दूत क रूप धारण कइ लेत ह।<sup>15</sup>इही बरे अगर ओकर सेवकउ नेकी क सेवकन क स रूप धइ लेइ तउ एहमाँ कउन बड़ी बात बा? मुला अन्त मैं ओनका आपन करनी क अनुसार फल तउ मिलइ क बा।

### पौलुस की यातना

<sup>16</sup>मई फिन दोहरावत अहईं कि मोका केउ मूरख न समझइ। मुला अगर फिन स तू अइसेन समझत ह तउ मोका मूरख बनाइके ही मंजूर करा। तब मोका स्वीकार कइ ल्या अउ मोका कछू अधिकार द्या। ताकि मई



कछू गरब कइ सकउँ।<sup>17</sup> अब इ मई कहत अहउँ, उ पर्भू क अनुसार नाहीं कहत ह, बल्कि एक मूरख क रूप में गरबपूर्वक बिसवास क साथे कहत हउँ।<sup>18</sup> काहेकि बहुत लोगन अपने संसारी जीवन पर गरब करत हीं।<sup>19</sup> फिन तउ मई गरब करबा अउर फिन तउ तू एतना समझदार अहा कि मूर्खन क बात खुसी क साथे सहि लेत ह।<sup>20</sup> काहेकि अगर केउ तोहका दास बनावइ, तोहका फँसाइ देत ह, धोखा देत ह अपने क तोहसे बड़ा बनवइ अउर तोहरे मुँहे पर थपड़ मारई त तू ओका सहि लेत ह।<sup>21</sup> मई सरम क साथे कहत हउँ कि हम पचे बहुत कमजोर रहे। अगर कउनउ मनई कउनो चीजन पे गरब करइ क साहस करत ह त ओइसन साहस मई भी करबा मई मूर्खतापूर्वक कहत अही।

<sup>22</sup>इबराती सबइ तउ नाहीं अहउँ। जदि उ पचे इब्राएली अहउँ, तउ उ मई भी अहउँ, जदि उ सबइ इब्राहीम क बंसज अहउँ, तउ उ मई भी हउँ।<sup>23</sup> मई अहउँ। इब्राएली उ सबइ तउ नाहीं अहउँ। मई ह भी। का उ पचे मसीह क सेवक अहउँ? (एक सनकी की नाहीं मई इ कहत ह अहउँ।) कि मई ओहसे बड़ा मसीह क सेवक अहउँ। मई बार बार जेल गवा हउँ। मोका बार बार मारा गवा बा। कई अवसर पर मोका मऊत क सामना भवा बा।<sup>24</sup> पाँच बार मई यहूदियन स एक कम चालीस चालीस कोड़ा खाए हउँ।<sup>25</sup> मई तीन तीन बार लाडियन स पीटा गवा हउँ। एक बार तउ मोहे पर पत्थराऊँ कीन्ह गवा बा। तीन बार मोर जहाज बूड़ा। एक दिन अउर एक रात मई समुंदर क गहारे पानी में बितावा।<sup>26</sup> मई भयानक नदियन, खूखार डकड़तन, खुद आपन लोगन, विधर्मियन, नगरन, गाँवन, समुद्रन अउर देखआवटी बन्धुवन क खतरे क बीचवा में कइयऊ यात्रा किहे हउँ।<sup>27</sup> मई कड़ा मेहनत कइके थकावट से चूर होइके जीव जिए हउँ। कई अवसरन पर मई सोइ तक नाहीं पाएँ। भूखा अउर पियासा रहेँ। अकसर मोका खाई तक क नाहीं मिला। बिना कपड़न क जाड़ा में ठिठूरत रहेँ।<sup>28</sup> अउर अब अउर जियादा का कही? रोज मेरे ऊपर जिम्मेदारी का भार अहइ अउर मोहे पड़ सब कलीसियावन की चिन्ता बनी रहत ह।<sup>29</sup> कीहीऊ का कमजोरी मोका सक्तिहीन नाहीं कई देत ह अउर केकर पापे में होब मोका बैचेन नाहीं बनाई डावत ह। लेकिन मई अन्दर से दुखी होइ जात हउँ यदि कउनो प्रलोभन में बहक जात ह।<sup>30</sup> अगर मोका बढ-चढ क बात करई क बा तउ मई ओन्हन बातन क करब जउन हमरे कमजोरी क अहउँ।<sup>31</sup> परमेस्सर अउर पर्भू ईसू क परमपिता जउन हमेसा धन्य अहउँ, जानत हीं कि मई कबहुँ झूठ नाहीं बोलत हउँ।<sup>32</sup> जब मई दमिस्क में रहेँ तउ राजा अरितास क राज्यपाल दमिस्क क चारों ओर पहरा बइटा दिहे रहा मोका बन्दी कई लेइक जतन किहे रहा।<sup>33</sup> मुला मोका नगर क चार दीवारी क छेद से टोकरी में बइटाइ क

नीचे उतार दीन्हा गवा अउर मई ओकरे हाथ स बच निकलउँ।

### पौलुस पर पर्भू क विसेस अनुग्रह

**12** यदि घमण्ड करइ क होइ तउ मोरे बरे ठीक ना होइ, तो भी करइ पड़त ह, तउ मई पर्भू क दीन्ह भाए दर्शन अउर पर्भू क प्रकासित चरचा करत अहउँ।

<sup>2</sup>मई मसीह में स्थित क अइसेन मनई क जानत हउँ जेका चौदह साल पहिले (ओकरे सरीर में या सरीर क बाहर मई नाहीं जानित ह परमेस्सर ही जानत ह।) देह सहित या देह रहित तीसरे सरग में उठाई लीन्ह गवा रहा।<sup>3-4</sup> अउर मई जानित ह कि ऐह मनई क (मई बिना सरीर क या सरीर सहित नाहीं जानित हउँ बस परमेस्सर ही जानत ह) सरगलोक \* में उठाई लीन्ह गवा रहा अउर ओ अकथनीय सब्द सुनेस जेका बोलइक अनुमति मनइयन क नाहीं बा।<sup>5</sup> हाँ, अइसेन मनइयन पर गरब करबइ, मुला खुद अपने घरे पर अपने दुर्बलतन क छोड़ क गरब न करबइ।<sup>6</sup> काहेकि इ मई सरम करइ क सोची तउ मई मूरख न बनवइ काहेकि तब मई सच कहबइ। होबइ! मुला तोहका मई अइसेन बचाउब ताकि कउनो मोका जइसेन करत देखत ह या कहत सुनत ह, ओसे भी जियादा भ्रम्य न देइ।<sup>7</sup> असाधारण प्रकासित क कारण मोका कउनउ गरब न होइ जाइ, इही बरे मोका सालत रहइ वाला काँटउ दइ दिहे अहइ। जउन सइतान क दूत अहइ, मोका मारत रहत ह ताकि मोका बहुत जियादा घमण्ड न होइ जाइ।<sup>8</sup> काँटा क अहइ समसिया क बारे में मई पर्भू स तीन बार बिनती किहेउँ काहेकि उ इहइ काँटा क मोसे निकाल लेइ।<sup>9</sup> मुला उ मोसे कहि दिहे अहइ, “तोहरे बरे मोरे अनुग्रह परियाप्त बा। काहेकि निर्बलता में मोर सकती सबसे जियादा होत ह।” इही बरे मई अपने कमजोरी पे खुसी क साथे गरब करत हउँ। ताकि मसीह क सक्ती मोहमों रहइ।<sup>10</sup> इही तरह मसीह बरे मई अपने कमजोरी, अपमानन, कठिनाइयन, जातनन, अउ बाधा में आनन्द लेत हउँ काहेकि जब मई कमजोर होत हउँ तबइ बलवान होत हउँ।

### कुरिन्थियन क प्रति पौलुस क पिरम

<sup>11</sup>मई मूरखन की तरह बतियात अहउँ मुला अइसा करइ क बरे मोका मजबूर तू किहे अहा। तोहका तउ मोर प्रसंसा करइ चाही, जद्यपि वइसे तउ मई कछू नाहीं हउँ, पर तोहरे ओन्हन “बड़ेन प्रेरितन” स मई कीहीउ तरह छोट नाही हउँ।<sup>12</sup> कीहीउ क प्रेरित सिद्ध करइवाला अद्भुत चीन्हा, अचरज कारज, अद्भुत कारज, अउर तोहरे बीच धीरज क साथे परगत कीन्ह गवा अहउँ।<sup>13</sup> तू

**सरगलोक** यानि सरगे क लोक, जहाँ धर्मी लोग मरई क बाद पहुँचत हीं।

दूसरे कलीसियन स कउँने दीरटी स कम अहा? सिवाय एकरे कि मई तोहपे कउनउ तरह क कवहँ भार नाही बना हउँ? मोका एकरे बरे छमा करा।

<sup>14</sup>देखा तोहरे लगे आवई क अब मई तीसरी बार तइयार हउँ। पर मई तोहपे कउनउ तरह क बोझ न बनब। मोका तोहरे सम्पत्तिन क नाही तोहार चाहत अहइ। काहे कि बच्चन क अपने माई बाप क बरे कउनउ बचत करइ क जरूरत नाही होत बल्कि अपने बच्चन क बरे माई बाप क खुद बचत करइ क होत ह। <sup>15</sup>जहाँ तक मोर बात अहइ, मोर लगे जउन कछू बा तोहरे बरे खुसी क साथे खर्चा करबइ, इहाँ तक कि अपने आपक क तोहरे बरे खर्च कई देवई। जदि मई तोहसे जियादा पिरेम रखित ह तउ भला तू मोका कम पिरेम कइसे करब्या। <sup>16</sup>होइ सकत ह कि मई तोहपे कउनउ बड़ा बोझ न डावा होइ। मुला तोहर कहब बा मई कपटी रहेउँ मई तोहका अपने चालाकी स फँसाइ लिहेउँ।

<sup>17</sup>का जउनने लोगन क मई तोहरे लगे भेजे रहेउँ ओनके जरिये तोहे छला ग रहा? नाही! <sup>18</sup>तीतुस अउर ओनके साथे हमरे भाई क मई तोहरे लगे भेजे रहेउँ। का तीतुस तोहे फँसाइ दिहेस? नाही का हम उहाँ निस्ककपट आत्तिमा स नाही चलत रहेन? का हम उही चरनचिन्हन पर नाही चलत रहेन?

<sup>19</sup>अब तू का सोचत अहा कि एक लम्बा समइ स हम तोहरे सामने आपन पछ रक्खत अही। मुला हम त परमेस्सर क सामने मसीह क अनुयायी क रूप मँ बोलत अही। मोर पियारे दोस्तो! हम जउन कछू करत अही उ तोहे आत्मिक रूप स सक्तिशाली बनवइ क बरे बा। <sup>20</sup>काहेकि मोका भय बाटई कि कहुँ जब मई तोहरे लगे आवउँ तउ तोहे वइसेन न पावउँ, जइसेन पावई चाहित ह अउर तू भी मोका वइसेन न पावा जइसेन पावई चाहत ह। मोका भय बा कि तोहरे बीच मोका कहुँ आपसइ मँ झगड़ा, इरसा, गुस्सापूर्वक कहासुनी व्यक्तिगत, षड़यन्त्र, अपमान, कानाफूसी हेकड़पन अउर अव्यवस्था न मिलइ। <sup>21</sup>मोका डर बा कि जब मई फिन तोहसे मिलइ आवउँ तउ तोहरे सामने मोर परमेस्सर कहुँ मोका लज्जित न कइ देइ, अउर मोका ओन्हन बहुतन बरे बिलाप न करइ क पड़ई। जे पहिले पाप किहे बाटेन अउर अपवित्तरन, व्यभिचरियन अउर भोग विलास मँ डूबा रहइ क बरे मनफिराव नाही किहे बाटेन।

### अन्तिम चेतावनी अउर नमस्कार

**13** इ तीसर अउसर अहइ जब मई तोहरे लगे आवत हउँ सास्तरन कहत हीं: "सब बातन क पुस्टि, दई य तीन गवाहन क साच्छी पर कीन्ह जाइ।" \* <sup>2</sup>जब दूसरी

बार मई तोहरे साथे रहेउँ मई तोहका चेतावनी दिहे रहेउँ अउर अब जब मई तोहसे दूर हउँ मई तोहका फिन स चेतावनी देत हउँ कि अगर मई फिन तोहरे लगे आवउँ त जे जे पाप किहे बाटेन अउर जउन पाप करत अहइ ओनका अउर शोस दूसरे लोगन क न छोड़बा। <sup>3</sup>अइसेन मई एँह बरे करत हउँ कि तू इ बाते क प्रमाण चाहत अहा कि मोहमाँ मसीह बोलत ह। उ तोहरे बरे कमजोर नाही बा बल्कि समरथ बा। <sup>4</sup>इ सच बा कि ओका ओकरे कमजोरी क कारण क्रूस पर चढ़ावा गवा रहा। मुला अब उ परमेस्सर क सकती क कारण ही जिअत अहइ। इह सच बा कि मसीह मँ स्थित हम कमजोर अही मुला तोहरे लाभ बरे परमेस्सर क सकती क कारण हम ओकरे साथे जियब।

<sup>5</sup>इ देखई बरे अपने आप क परखई क बा तू बिसवासपूर्वक जिअत अहा। आपन जाँच पड़ताल करा अउर का तू नाही जानत ह कि उ ईसू मसीह तोहरे भितरइ बा। जदि अइसना नाहीबा, तउ त इ परीच्छा मँ पूरा न उतरब्या। <sup>6</sup>मई अब आसा करत हउँ कि तू इ जानि जा कि हम इ परीच्छा मँ कउनउ तरह स विफल नाही भए।

<sup>7</sup>हम परमेस्सर से पराथना करित ह कि तू कउनउ बुराइ न करा। एह बरे नाही कि हम इ परीच्छा मँ खरा देखाई देइ। बल्कि एह बरे कि तू फिन उहइ करा जउन अच्छा बा। चाहे हम इ परीच्छा मँ विफल भए काहे न देखौं देइ।

<sup>8</sup>असलियत मँ हम सत्य क विरुद्ध कछू नाही कइ सकित ह। हम जउन करित ह सच क बरे करित ह। <sup>9</sup>हमार कमजोरी अउर हमार सबलता मोका खुश करत ह अउर हम इही बरे पराथना करित ह की तू मजबूत स मजबूत बना।

<sup>10</sup>इही बरे तोहसे दूर रहत मई इन बातन क तोहका लिखत हउँ। ताकि जब मई तोहरे बीच होउँ तउ मोका पभू क जरिये दीन्ह गवा अधिकार स तोहका हानि पहुँचई बरे नाही बल्कि तोहरे आत्मिक बिकास बरे तोहरे साथे कठोरता न बरतइ पड़इ।

<sup>11</sup>अब भाइयन, मई तोहसे विदा लेत अहउँ। आपन आचरण ठीक रखा। वइसेह करत रहा जइसेन करइ क मई कहे रहेउँ। एक जइसेन सोचा। सान्तिपूर्वक रहा। जेसे पिरेम अउर सान्ति क झेत परमेस्सर तोहरे साथे रही।

<sup>12</sup>पवित्तर चुम्बन दुवारा एक दूसरे क सुवागत करा।

<sup>13</sup>सबन पवित्तर लोगन क तोहे नमस्कार।

<sup>14</sup>तू पभू ईसू मसीह क अनुग्रह, परमेस्सर क पिरेम अउर पवित्तर आत्तिमा स मिलइ वाला भाई-चारा रहइ।

# License Agreement for Bible Texts

World Bible Translation Center

Last Updated: September 21, 2006

Copyright © 2006 by World Bible Translation Center

All rights reserved.

## These Scriptures:

- Are copyrighted by World Bible Translation Center.
- Are not public domain.
- May not be altered or modified in any form.
- May not be sold or offered for sale in any form.
- May not be used for commercial purposes (including, but not limited to, use in advertising or Web banners used for the purpose of selling online ad space).
- May be distributed without modification in electronic form for non-commercial use. However, they may not be hosted on any kind of server (including a Web or ftp server) without written permission. A copy of this license (without modification) must also be included.
- May be quoted for any purpose, up to 1,000 verses, without written permission. However, the extent of quotation must not comprise a complete book nor should it amount to more than 50% of the work in which it is quoted. A copyright notice must appear on the title or copyright page using this pattern: "Taken from the HOLY BIBLE: EASY-TO-READ VERSION™ © 2006 by World Bible Translation Center, Inc. and used by permission." If the text quoted is from one of WBTC's non-English versions, the printed title of the actual text quoted will be substituted for "HOLY BIBLE: EASY-TO-READ VERSION™." The copyright notice must appear in English or be translated into another language. When quotations from WBTC's text are used in non-saleable media, such as church bulletins, orders of service, posters, transparencies or similar media, a complete copyright notice is not required, but the initials of the version (such as "ERV" for the Easy-to-Read Version™ in English) must appear at the end of each quotation.

Any use of these Scriptures other than those listed above is prohibited. For additional rights and permission for usage, such as the use of WBTC's text on a Web site, or for clarification of any of the above, please contact World Bible Translation Center in writing or by email at [distribution@wbtc.com](mailto:distribution@wbtc.com).

World Bible Translation Center

P.O. Box 820648

Fort Worth, Texas 76182, USA

Telephone: 1-817-595-1664

Toll-Free in US: 1-888-54-BIBLE

E-mail: [info@wbtc.com](mailto:info@wbtc.com)

**WBTC's web site** – World Bible Translation Center's web site: <http://www.wbtc.org>

**Order online** – To order a copy of our texts online, go to: <http://www.wbtc.org>

**Current license agreement** – This license is subject to change without notice. The current license can be found at: <http://www.wbtc.org/downloads/biblelicense.htm>

**Trouble viewing this file** – If the text in this document does not display correctly, use Adobe Acrobat Reader 5.0 or higher. Download Adobe Acrobat Reader from: <http://www.adobe.com/products/acrobat/readstep2.html>

**Viewing Chinese or Korean PDFs** – To view the Chinese or Korean PDFs, it may be necessary to download the Chinese Simplified or Korean font pack from Adobe. Download the font packs from: <http://www.adobe.com/products/acrobat/acrrasianfontpack.html>